

# **REFERAT SAA- Sanarfinermut Avatangiisinullu Ataatsimiititaq d. 08-08-2019**

**Mødedato** Torsdag d. 08. august 2019 kl. 14:00

**Mødested** Kommunalbestyrelsep ataatsimiittarfia

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Suliat Aningaasaqarnermut Inuussutissarsiornermullu Ataatsimiititamut kommunalbestyrelsimullu :	8
Kommunimut pilersaarummut tapiliussatut siunnersuut, 1A15-3, Inussussuaq, Nuuk.....	9
Kommunimut pilersaarummut tapiliussassatut siunnersuut 1C24-3, Nuukullak Manngua, Nuuk.....	13
Kommunimut pilersaarummut tapiliussassatut siunnersuut 20C6-2, Paamiut.....	17
Mitsimmavik, Nuummi inissialiorfissaq nutaaq.....	20
Sanarfinermut Avatangiisinullu Ataatsimiititap Tasiilami angalaneranit nalunaarussiaq.....	25
Kommunimut pilersaarummut tapiliussatut siunnersuut 4A9-1, Uppittalik.....	28
Tasiilami illut inissiallu kuuffii aqqusinernut kuuginnartarnerannut tunngatillugu ataatsimiititaliami	32
Taasariaqartut allat.....	35
Suliat matoqqasut.....	36
Lukket.....	37
Lukket.....	38
Imaqarniliap akuerineqarnera.....	39

## **Punkt 0: Saqqaa**

### **Ilaasortat**

Justus Hansen (D), siulittaasoq.

Harald Bianco (IA)

Charlotte Piké (IA)

Mala Høy-Kúko (S)

Laura Taunâjik (S)

### **Beslutning**

Justus Hansen(D), Laura Taunâjik (S), Mala Kúko(S), Charlotte (IA), Harald (IA) oqarasuaatikkut ataatsimeeqataapput

## **Punkt 1: Oqaluuserisassat akuersissutigineqarneri**

## **Punkt 2: Nalunaarutit**

Soqanngilaq

**Beslutning**

Soqanngilaq

## **Punkt 3: Ilisimatitsissutit**

Soqanngilaq

**Beslutning**

Soqanngilaq

## **Punkt 4: Aalajangiiffisassat**

Soqanngilaq

### **Beslutning**

Soqanngilaq

**Punkt 5: Suliat Aningaasaqarnermut Inuussutissarsiornermullu  
Ataatsimiititamut kommunalbestyrelsimullu ingerlateqqitassat**

## **Punkt 05A: Kommunitut pilersaarummut tapiliussatut siunnersuut, 1A15-3, Inussussuaq, Nuuk**

### **Beslutning**

Immikkoortoq kinguartinneqarpoq

### **Bilag**

FORSLAG KPT\_1A15\_3\_KAL.pdf

## **Kommunimut pilersaarummut tapiliussatut siunnersuut, 1A15-3, Inussussuaq, Nuuk**

Aalajangiiffigisassaq

J.nr.: 16.03.01.01-P16-20-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Sumiiffimmi soqutigisaqaqatigiit suli eqiterisoqassasoq kissaatigaat, aamma kommunimit immikkoortup ilaani tamanna ajornanngitsoq nalilerneqarpoq. Taamaattumik kommunimut pilersaarummut tapiliussaq manna immikkoortumik eqiterutsitsissaaq.

Kommunimut pilersaarummut tapiliussassatut siunnersuummi, 1A15-3, immikkoortup inissiaqarfiunissaa aalajangiusimaneqarpoq, immikkuualuttoq C-mi sanaartofissiani 3-ni immikkut saniatigut quleriit marluk, kiisalu sanaartofissiat ataasiakkaat iluarsivigineqarsinnaaneri aamma immikkuualuttup C-p tungaanut aqquinnornissaq periarfissaalerput.

### **Inassuteqaatit**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussassatut siunnersuut 1A15-3 Inussussuaq, Nuuk akuersissutigineqassasoq
- siunnersuut akuersissutigineqartoq sapaatit-akunnerini arfineq-pingasuni tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqinneqassasoq.
- aningaasaqarnermut Inuussutissarsiornermullu Ataatsimiititamut suliaq ilisimatitsissutitut Kommunalbestyrelsimut ingerlateqqinneqassasoq.

### **Suliassamik saqqummiussineq**

Nuummi innuttaasut suli amerliartorput. Kommuneqarfik Sermersuup eqiterinissamut periusissiaanut atatillugu, Inussussuaq eqiterivissatut toqqarneqarsimavoq, tamannalu tunngavigalugu kommunimut pilersaarummut tapiliussaq suliarineqarpoq.

Sumiiffimmi soqutigisaqaqatigiit kissaatigaat, suli eqiterisoqassasoq aamma kommunimit nalilerneqarpoq, immikkoortup ilaanut tamanna ajornanngitsoq.

Immikkuualuttumut B-mut aamma C-mut aqqusineq nunataanut iluarsillugu tulluussagaavoq, tamatumalu kingunerivaa immikkuualuttoq A-mi sanaartofissiaq iluarsineqarneri. Tassunga atatillugu sanaartofissiaq 6 atorunnaarsinneqarpoq aamma sanaartofissiaq 5 tassunga taarsiullugu allisinneqarpoq.

Taamatuttaaq immikkuualuttoq C-mi sanaartofissiat iluarsineqarput, taamalu illunik quleriinnik arfineq-pingasunik sanaartornissamut periarfissaqalerluni.

Inissiat portusuut arlallit sanaartorneqalereerput, pilersaarummilu matumani nunap pissutsillu piviusut malillugit naapertuuttumik ineriartortinneqarnissaa periarfissaalissaaq. Taamalu pilersaarummut toqqammavigneqartoq, 1A15-2, ulloq 9.2.2016-imi akuerineqarsimasoq, pilersaarummi matumani ineriartortinneqarpoq.

#### *Aaqqiissutissatut siunnersuut – suliatigut naliliineq*

Sanarfinermut Avatangiisinullu Ingerlatsivimmit kommunimut pilersaarummut tapiliussamut siunnersuummi immikkoortoq inissiaqarfittut qulakkeerneqassasoq nalilerneqarpoq, saniatigullu immikkoortumi uninngaartarfiit illoqarfiullu sammisassaqaqtitsivii pitsanngorsaavigneqarlutillu naleqarnerulersinneqassapput.

Immikkuualuttup C-p sanaartorfissagissarneqarnissaa akisuujuvoq, taamaattumik quleriit amerlineqarnerat isumaqarpoq. Quleriit amerlineqarnerat eqqaamiusunut ajortumik kinguneqarnaviangilaq.

#### *Aningaasatigut sulisoqarnikkullu naliliinerit*

Kommunimut pilersaarummut tapiliussamik suliaqarneq aningaasaqarnikkut kinguneqassangilaq.

#### *Inatsisitigut tunngavissaq allakkallu tunngaviusumik uppersaatitallit*

Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17 ulloq 17. november 2010-meersoq aamma

Inatsisartut inatsisaat nr. 34, 9. december 2015-imeersoq

Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Pilersaarutissatut siunnersuut sapaatip-akunnerini arfineq-pingasuni piffissami 28.8.2019 – 23.10.2019 akornanni tamanut tusarniaassutigineqassaaq. Tusarniaanissamut piffissaliussaq qaangiuppat pilersaarutissatut siunnersuut, akerliliisoqarsimappat taakku ilanngullugit, suliarineqassapput politikkikkullu suliarineqaaqittussanngorlugu ingerlateqqinneqassaaq inaarutaasumik akuersissutigineqarnissaa siunertaralugu.

#### **Aningaasaqarnermut Allatseqarfimmit oqaaseqaatit**

-

#### **Innuttaasunik peqataatitsineq/attaveqaqatigiinneq**

Aqqusineq nutaaq sanaartorfissallu iluarsineqartut pillugit soqutigisaqaqatigiinnik ataatsimiisitsisoqarpoq.

Siunnersuut sapaatip-akunnerini arfineq-pingasuni tamanut tusarniaassutigineqassaaq, tamannalu Nuuk Ugeavisimi nalunaarutigineqarlunilu kommunip attaveqaqatigiinnermut nittartakkut quppersagaatigut allagarsiissutigineqassaaq. Siunnersuut kommunip tusarniaanermut atatillugu nittartagaatigut atuarneqarsinnaassaaq.

## Ingerlatsivinnit allaniit oqaaseqaatigineqartut

-

## Ilanngussat

1. Kommunitumut pilersaarummut tapiliussatut siunnersuut, 1A15-3, Inussussuaq.

## **Punkt 05B: Kommunitut pilersaarummut tapiliussassatut siunnersuut 1C24-3, Nuukullak Manngua, Nuuk**

### **Beslutning**

Immikkoortoq kinguartinneqarpoq

### **Bilag**

Kommunitut pilersaarummut tapiliussassatut siunnersuut 1C24-3 Nuukullaap Manngua Nuuk.pdf

## **Kommunimut pilersaarummut tapiliussassatut siunnersuut 1C24-3, Nuukullak Manngua, Nuuk**

Aalajangiiffigisassaq

J.nr.: 16.03.01.01-P16-6-19

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

### **Suliassamik eqikkaaneq**

Kommunimut pilersaarummut tapiliussassatut siunnersuut 1C24-3 Nuukullak Manngua, Nuuk, kommunimut pilersaarummut tapiliussareersup 1C24-2 iluarsissutigivaa.. Siunnersuummi sanaartorfissianut pingasunut nunaminertat inissisimaffii ilusilerneqarput aamma immikkoortumi sanaartukkat annerpaamik portussusii allanngortinngikkaluarlugit quleriit amerlineqarsinnaanerini akuersissuteqarpoq.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussassatut siunnersuut 1C24-3, Nuukullaap Manngua, Nuuk, akuerineqassasoq
- siunnersuut akuersissutigineqartoq Aningaasaqarnermut Inuussutissarsiornermullu Ataatsimiititamut ingerlateqqinneqassasoq, sapaatip-akunnerini 8 tusarniaassutigineqarnissaa siunertaralugu.
- aningaasaqarnermut Inuussutissarsiornermullu Ataatsimiititamut suliaq ilisimatitsissutitut Kommunalbestyrelsimut ingerlateqqinneqassasoq.

### **Suliassamik saqqummiussineq**

Immikkoortup ilaa 1C24 pillugu soqutigisaqaqatigiinnit saaffiginnissuteqarneq tunngavigalugu Sanarfinermut Avatangiisinullu Ingerlatsiviup kommunimut pilersaarummut tapiliussaqa pioreersoq 1C24-2 iluarsissuteqarfigivaa.

Iluarsiissuteqarnermi sanaartorfissiat 1, 3.1 aamma 3.2 nunaminertartaasa inissisimaffiat iluarsineqarpoq, sanaartorfioreersumut ungasissusissaritinneqartoq naammassiumallugu kiisalu atassuseqaasersuutit matorussat qaavini sanaartortoqannginnissaa pillugu. Sanaartorfissiani 1-imi aamma 2-mi quleriit amerlanerpaaffigisinnaasaat 6-imiit 7-inut amerlineqarput, taamaattorli sanaartukkat portussusissaattut akuerineqartut kote 46,5 aamma 44,5 allanngortinnagit.. Sanaartorfissiaq 3.2-mi quleriit amerlassusissaattut akuerisaq 3-miit 4-mut allanngortinneqarpoq, tassanilu portussusissaq akuerisaq kote 28-miit 35-mut allanngortinneqarluni.. Tamanna pivoq sanaartorfissiami sanaartorfissap annikillisimanera tunngavigalugu.

Taamaalilluni Kommunimut pilersaarutissatut siunnersuut 1C24-3 aqutigalugu immikkoortup qiterisaqarfimmi siunertat, pisiniarfiit, inuussutissarsiuteqarfiit mingutsitsinngitsut, pisortaqaqarfinnut siunertat kiisalu inissiat, tamaani suli qulakkeerneqassapput.

#### *Aaqqiissutissatut siunnersuut – suliatigut naliliineq*

Sanarfinermut Avatangiisinullu Ingerlatsivimmit nalilerneqarpoq, kommunimut pilersaarutissatut siunnersuummi allanngutit annertuutut taaneqarsinnaanngitsut, immikkoortumimi sanaartukkat portussusissaattut piumasarineqartoq allannguiffigineqassanngimmat. Ungasissusissartinneqartup malinneqarneratigut immikkoortup sanaartukkanut ataatsimut atorneqarnera pitsaasumik kinguneqartissavaa.

#### *Aningaasatigut sulisoqarnikkullu naliliinerit*

Kommunimut pilersaarummut tapiliussap suliarineqarnera immini aningaasatigut kingunerisassaqaqanngilaq.

#### *Inatsisitigut tunngavissaq allakkallu tunngaviusumik uppersaatitallit*

Pilersaarusiorneq aamma nunaminertat atorneqartarnerat pillugit Inatsisartut inatsisaat nr, 17 ulloq 17, novembari 2010-meersoq aamma  
Inatsisartut inatsisaat nr 34, 9, decembari 2015-imeersoq  
Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Pilersaarutissatut siunnersuut sapaatip-akunnerini arfinilinni piffissami 28.8.2019 – 9.10.2019 akornanni tamanut tusarniaassutigineqassasoq naatsorsuutigineqarpoq.. Tusarniaassummut akissuteqarnissamut killiliussaq qaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpata ingerlariaqqinnissamullu inassuteqaateqartoqareerpat, Sanarfinermut Avatangiisinullu Ataatsimiititami aamma Aningaasaqarnermut Inuussutissarsiornermullu Ataatsimiititami kiisalu Kommunalbestyrelsimi inaarutaasumik akuerineqartussanngorlugu taakkununga nassiunneqassaaq.

#### **Aningaasaqarnermut Allatseqarfimmit oqaaseqaatit**

-

#### **Innuttaasunik peqataatitsineq/attaveqaqatigiinneq**

Tamanut tusarniaassutigineqarnissaa Nuuk ugeaviisikkut nalunaarutigineqassaaq, siunnersuullu kommunip tusarniaanermut isaaffiatigut pissarsiarineqarsinnaalissalluni.

#### **Ingerlatsivinnit allaniit oqaaseqaatigineqartut**

-

#### **Ilanngussat**

1. Kommunimut pilersaarummut tapiliussassatut siunnersuut 1C24-3, Nuukullaap Manngua, Nuuk



## **Punkt 05C: Kommunitut pilersaarummut tapiliussassatut siunnersuut 20C6-2, Paamiut**

### **Beslutning**

Immikkoortoq kinguartinneqarpoq

### **Bilag**

Forslag KPT\_20C6-2\_KAL.pdf

## **Kommunimut pilersaarummut tapiliussassatut siunnersuut 20C6-2, Paamiut**

Aalajangiiffigisassaq

J.nr.: 16.03.01.01-P16-5-19

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Pilersuinemik kiffartuussiviup Nukissiorfiup ingerlatani illumi ataatsimi katersorusummagit kommunimut pilersaarummut tapiliussatut siunnersuut suliarineqarpoq. Kommunimut pilersaarummut tapiliussatut siunnersuummi immikkoortup ilaa 20C6 pioreersoq annertusineqarpoq. Immikkoortup ilaa immikkoortoq C-tut taaguuteqaannaassaaq.

### **Inassuteqaatit**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 20C6-2, Paamiut akuersissutigineqassasoq
- Siunnersuut akuersissutigineqartoq sapaatit-akunnerini arfineq-pingasuni tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqinneqassasoq.
- Aningaasaqarnermut Inuussutissarsiornermullu Ataatsimiititamit suliaq ilisimatitsissutitut Kommunalbestyrelsimut ingerlateqqinneqassasoq.

### **Suliassamik saqqummiussineq**

Kommunimut pilersaarummut tapiliussatut siunnersuummi matumani immikkoortup ilaa 20C6 (illoqarfiup qeqqa) pioreersoq annertusineqarpoq.

Immikkoortup ilaani sanaartorfissamik nutaamik pilersitsisoqarpoq. Tassuuna pilersuinemik kiffartuussivik immikkoortuminik illumi ataatsimi ataatsimoortitsinissamik periarfissinneqassaaq, ukulu ataatsimoortikkusunneqarput, allaffik toqqorsivillu ataasiakkaanik sannavittut atortunik initalik kiisalu annertunngitsumik toqqorsivilik. Immikkoortut taakku ullumikkut illoqarfimmi sumi tamaani siammasillutik inissisimapput.

Pilersaarummut tapiliussatut siunnersuummi aamma allamik siunertaqartoqarpoq, tassa B-129, utoqqaat angerlarsimaffitoqaat allatut atulersinneqarnissaanik siunissamilu ungasinnerusumik isaterneqarnissaanik qulakkeerinninnissaaq.

### *Aaqqiissutissatut siunnersuut – suliatigut naliliineq*

Ingerlatsiviup nalilerpaa, immikkoortunik kattussuussilluni ataatsimoorfeqalersitsinikkut sumiiffiup siunissami ineriartortinneqarnissaanik qulakkeerpeqassasoq, sumiiffiullu naleqassusianik annertunerulersitsilluni.

Peqatigitilluguttaaq ingerlatsiviup nalilerpaa, pilersuinermik kiffartuussiviup ingerlataanik illumi ataatsimi ataatsimoortitsinissaq aaqqiinerussasoq pitsaasoq.

### *Aningaasatigut sulisoqarnikkullu naliliinerit*

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

### *Inatsisitigut tunngavissaq allakkallu tunngaviusumik uppersaatitallit*

Pilersaarusionerq aamma nunaminertat atorpeqartarnerat pillugit Inatsisartut inatsisaat nr. 17 ulloq 17. november 2010-meersoq aamma

Inatsisartut inatsisaat nr. 34, 9. december 2015-imeersoq

Kommunimut pilersaarut digitaliusoq [www.sermersooq2028.gl](http://www.sermersooq2028.gl)

### *Ingerlariaqqinnissaq*

Pilersaarutitut siunnersuut sapaatip-akunnerini arfineq-pingasuni piffissami 28.8.2019 – 23.10.2019 akornanni tamanut tusarniaassutigineqassaaq.

Tusarniaanissamut piffissaliussaq qaangiuppat pilersaarutissatut siunnersuut, akerliisoqarsimappat taakku ilanngullugit, suliarineqassapput politikikkullu suliarineqaaqqittussanngorlugu ingerlateqqinneqassaaq inaarutaasumik akuersissutigineqarnissaa siunertaralugu.

### **Aningaasaqarnermut Allatseqarfimmit oqaaseqaatit**

-

### **Innuttaasunik peqataatitsineq/attaveqaaqatigiinneq**

Siunnersuut sapaatip-akunnerini arfineq-pingasuni tamanut tusarniutigineqassaaq, kommunillu nittartagaatigut kiisalu Paamiuni illoqarfiup allagarsiiviini allagarsiinikkut saqqummiunneqassaaq. Siunnersuut kommunip tusarniaaviatigut kiisalu kommunimut nammineq saaffiginninnikkut pissarsiarineqarsinnaassaaq.

### **Ingerlatsivinnit allaniit oqaaseqaatigineqartut**

-

### **Ilanngussaq**

1. Kommunimut pilersaarummut tapiliussassatut siunnersuut 20C6-2, Paamiut

## **Punkt 05D: Mitsimmavik, Nuummi inissialiorfissaq nutaaq**

### **Beslutning**

Immikkoortoq kinguartinneqarpoq

### **Bilag**

Mitsimmavik Bilag 1\_KAL.pdf

Mitsimmavik Bilag 2 KAL.pdf

Mitsimmavik Bilag 3 KAL.pdf

Mitsimmavik Bilag 4\_KAL DK.pdf

Mitsimmavik Bilag 5\_KAL DK.pdf

# INAAARUTAASUMIK AKUERSISSUTIGINNINNEQ

## Mitsimmavik, Nuummi inissialiorfissaq nutaaq

Suliap pilersaarusiorneqarnissaanut qinnuteqaatip inaarutaasumik akuersissutigineqarnera

Aalajangiiffigisassaq

J nr: 16.03-P20-6-18

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

### Suliassamik eqikkaaneq

Inissialiorfissamik nutaamik nunap immikkoortuata ilaani Mitsimmavik, Qinngorput Nuummiittumut pilersaarummut qinnuteqaat sapaatip-akunneranini arfineq-pingasuni tusarniaassutigineqareerpoq, maannalu saqqummiunneqasaaq naggataarutaasumillu akuersissutigineqarluni.

Tusarniaassuteqarnerup nalaani piffissaatillugu illuatungerisanit 2-nit tusarniaassummut akissuteqartoqarpoq, ingerlatsivimmit ilanngussaq 1-imi suliarineqartut.

Qinnuteqaammi pineqarput sanaartorfigiuminarsaanissaq, attaveqaatinik atortulersuutinillu pilersitsinissaq aammalu inissianik 160-it missaanniittunik sanaartornissaq, aammalu meeqqeriviliornissaq kiisalu asiartarfittut ornittakkanik ilaatigut sissaq sinerlugu aqqusiornissaq.

Sanarfinermut Avatangiisinullu Ingerlatsiviup nalilerpaa suliassaq Illoqarfiit pingaarnersaannut periusissiamut kommunimullu pilersaarummut naapertuulluinnartuusoq, tassani inissiat assigiinngitsut neqeroorutigineqarmata, meeqqerivik aammalu asiartarfittut ornittakkat, Nuummi inissiaqarfinni ineriartortitsinissamut pilersaarutaareersunut ilaatitsereermata.

Taamaakkaluartoq Sanarfinermut Avatangiisinullu Ingerlatsiviup siunnersuutigaa, ataasiakkaanik piumasaaqateqartoqassasoq ilaatigut sissaq sinerlugu aqqusiassap inissinneqarnissaanut atatillugu, suliassatullu qinnuteqaammi inissiiiffissaatut siunnersuut pinnagu, ilanngullugulu inissialiassat qanoq suliarineqarnissaannut tunngasoq iluarsineqassasoq, taamaasilluni siunissami attartortunngortussanut tamakkiisumik aaqqiissutissaq pitsaanerulerniassammat.

### Inassuteqaatit

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- pilersaarutit qinnuteqaat suliamullu tunngatillugu ingerlariaqqinnissaq inaarutaasumik akuersissutigisagaa.
- pilersaarutit qinnuteqaat suliamullu tunngatillugu ingerlariaqqinnissaq akuersissutigisassanngorlugu Aningaasaqarnermut Inuussutissarsionermullu Ataatsimiititamut ingerlateqqisagaa
- aammalu Aningaasaqarnermut Inuussutissarsionernermullu Ataatsimiititap pilersaarutit qinnuteqaat Kommunalbestyrelsimit inaarutaasumik akuersissutigisassanngorlugu ingerlateqqisagaa.

### Suliassamik saqqummiussineq

Kommunalbestyrelsip ataatsimiinnermi apriliip ulluisa 30-t inissialiorfissamik nutaamik suliniut Mitsimmavik nassiunneqarnissaa toqqarpaat, tusariniaanissaq Nuummi sapaatip-akunnerani

arfineq-pingasuni maajip ulluisa 8-niit juulip ulluisa 3-t 2019 ... Tusarniummut akissuteqaatit marluk tiguneqarsimapput. Siulliup imaraa, suliniummi imminut napasinnaasumik aaqqiissuteqartariaqarnissaa piumasaqaataasariaqartoq aappaatalu privatinut nunaminertamik amigaateqarnera, taassumap illuliornissaq kissaatigaa. Pilersaarut tusarniaanermullu akissutit tiguneqartut matumani naggataarutaasumik akuersissutigineqarnissaq siunertaralugu saqqummiunneqassapput nunaminertamik immikkoortitsisoqarnissaanut atatillugu tunniussinissaq siunertaalluni.

Pilersaarut pineqartoq inissianik 160-t missaannik pilersitsinissamik imaqarpoq, ulluunerani paaqqinnittarfik kiisalu aaqqiissussaannermut tunngasut, taassuma ilaatigut sissaq sinerlugu aqquusineqqap immikkoortorta.

Nunaminertap ilaanut inniminniinermik qinnuteqartoqarpoq, Pilersaarusionermut Inatsit nutaaq naapertorlugu, Inatsisartut inatsisaat nr. 34, 9. december 2015-imeersoq.. Ilanngussaq 2 takuuk. Pilersaarusionermut Inatsisip allanngortinnerata nutaap ingerlanera ima nassuiarneqarsinnaavoq:

- 1 Aningaasaliisussap/Suliffeqarfiup pilersaarutini Kommunalbestyrelsimut nassutissavaa, piumasaqaataavorlu aningaasaliisussap nammineepluni pilersaarummut tunngavilersuinissaa aammalu avatangiisinut tunngatillugu naliliinerit, assersuutigalugu VVM-it nammineq isumagalugit.
- 2 Kommunalbestyrelsip pilersaarut akuerissavaa, minnerpaamillu sapaatit akunnerini arfinilinni tusarniaassutigissallugu, tassunga ilanngunneqassapput Kommunalbestyrelsip qinnuteqarnissamut piumasaqaatai, taakkulu arlaanulluunniit attuumassuteqassanatik.
- 3 Tusarniaanermi innuttaasut tusarniaassummut akissuteqarsinnaapput, akerliliissuteqarsinnaapput imaluunniit allanik pilersaarutaasinnaasunik tunniussaqsinnaallutik.
- 4 Qinnuteqaatit tunuliaqutigalugit Kommunalbestyrelse arlaanulluunniit attuumassuteqanngitsumik pilersaarummik pitsaanerpaamik toqqaassaaq.
- 5 Tamatuma kingorna aningaasaliisussaq ukiuni marlunni sivilissuseqarsinnaasumik nunaminertamik inniminniinissaminik periarfissaqalissaaq kommunimullu pilersaarummut tapiliussap suliarineqarnera aallartissaaq.
- 6 Pilersaarutip annertussusaa tunngavigalugu avatangiisinut naliliisoqassappat, assersuutigalugu VVM-imik naliliisoqartariaqarpat, pilersaarummik piginnittup nammineepluni suliarissavaa aningaasaliiffigalugulu.

Pilersaarusionermut inatsisip allanngornerata kingorna, nutaaq naapertorlugu, Pilersaarutit kommunimut pilersaarummut imaluunniit politikikkut takorluukkanut naapertuutinnippata Kommunalbestyrelsimit qaqugukkulluunniit unitsinneqarsinnaasut eqqaamaneqassaaq. Kalaallit Nunaanni inuussutissarsionerup Naalakkersuisunit Kommuniniillu siuarsarneqarusunnera Pilersaarusionermut Inatsimmik allannguinermi siunertarineqarpoq, taamaaliornikkut aningaasaliisussanut aningaasaliinissaq ajornannginnerulissamat orniginarnerullunilu.

#### *Aaqqiissutissatut siunnersuut – suliutigut naliliineq*

Sanarfinermut Avatangiisinullu Ingerlatsiviup nalilerpaa suliassaq Illoqarfiit Pingaarnersaannut Periusissiamut naapertuulluinnartuusoq, tassani inissiat assigiinngitsut neqeroorutigineqarmata, meeqqerivik aammalu asiartarfittut ornittakkat, Nuummi inissiaqarfinni ineriartortitsinissamut pilersaarutaareersunut ilaatitsereermata.

Ataatsimut isigalugu suliassami sanaartornermi aaqjissuussinerit najoqqutarineqarput, illularineqartussallu isikkussaat Nuummi ineriartortitsinissamik kissaatigineqartumut naapertuulluinnarput.

Inissialiassat 160-it saniatigut suliassamut ilaavoq silami majuartarfik qitiusumik inissisimasoq, taannalu immikkoortumi pisuinnaat aqquataannut ataneqarpoq, aqquataanili pinnguarterfeqarlunilu sangusarfeqassaaq uninngaarfiusinnaasunik. Taamatut suliarineqaruni sumiiffik tamaat pitsaassuseqalersissavaa inissialiallu assigiinngisitaartut ataatsimuulersillugillusooq.

Pilersaarut immikkoortut ilaannut marlunnut qinnuteqaataavoq, taakku Nuuk Pingaarnertut ilusisaani (Siorarsiorfik) pilersaarutaareersumi inissisimapput. Pilersaarutit qinnuteqaat amerlasuutigut kommunimut pilersaarummut akuersissutaareersumut naapertuuppoq, kisiannili makkunatigut immikkuullarissuteqarluni:

Pilersaarutit siunnersuutigineqartumi illularineqartussat tamarmik ataatsimik marlunnillu amerlanerusunik qulereeqartitsissapput, kisialli suli najugaqarfiit tamarmik isikkivigissaarnissaat eqqarsaatigineqarpoq.

Aqqusineqartinneqarnera imaalillugu allanngortinneqarpoq, suliassatut siunnersuummi aqquuserngit sisamat ingerlariaqqiffeqanngitsut suliarineqassapput, sumiiffik kaajallallugu ingerlariaqqiffissalimmik aqqusinniornissamut taarsiullugu.

Ingerlatsivik isorisaqalaarpoq, soqutiginnittullu tamakkua suliap ingerlaqqinnissaanut suliareqqissavai; sissaq sinerlugu aqqusineeqqap erseqqissaatiginissaa aammalu suliassami ilaqutariit ataatsit qanoq suliarineqarnissaannut tunngatillugu isummernissaq.

Sissaq sinerlugu aqqusineeraq:

Sissaq sinerlugu aqqusiassap aallartinnissaa naammassinissaalu erseqqissumik nalunaarutigineqassasut, taavalu aqqut imaq sinerlugu suliarineqassaaq, tamanit aqqutigineqarsinnaasunngorlugu.

Pilersaarusiornermi aaqjiissutissat:

Illut villat qulingiluat qanoq suliarineqarnissaat eqqarsaatigalugu Siorarsiorfiup suliarineqarnissaanut najoqqutassami aammalu Illuliortaatsimut politikkami allaaserineqartut malinneqassapput. Ilaqutariit illuanni ataatsimi arfinilinnik initalimmi init pingaarnertut ataatsimoorfiusartussat tassaassapput igaffik/inilu assigiinngitsunik suaiaqarfiusartoq, taannalu matumani illup alanngortani inissisimavoq, qaqqap tungaanut sammisumi isikkiveqarpiannngitsumiilluni, naak illoqarfiup ilaa tamanna tupinnaannartumik isikkivigissumiikkaluartoq. Taamatut suliarineqassaguni init pingaarnertut kiassarneqarnissaat qaamaneqarnissaallu eqqarsaatigineqartumut naapertuutissanngilaq, tassami innaallagissamik atuinikillisaataassammat aammalu FN'p **Nunarsuaq tamakkerlugu illoqarfiit inoqarfiillu piujuartitsinermik tunngaveqarnissaannik anguniakkamik 11-mi aammalu akisussaassuseqartumik atuneq tunisassiornerlu eqqarsaatigalugit anguniakkamik 12-mi anguniakkanut naapertuutissagaluarluni.** (Siorarsiorfik pillugu Najoqqutassami imm 05 innersuussutigalugu)

*Aningaasatigut sulisoqarnikkullu naliliinerit*

Soqutiginnittumit pilersaarummut aningaasartuutit tamarmik akilerneqartussaammata Kommuneqarfik Sermersuumut aningaasartuutaassanngilaq.

#### *Inatsisitigut tunngavissaq allakkallu tunngaviusumik uppersaatitallit*

Pilersaarusionerq aamma nunaminertat atorneqartarnerat pillugit Inatsisartut inatsisaat nr. 17 ulloq 17. november 2010-meersoq aamma

Inatsisartut inatsisaat nr. 34, 9. december 2015-imeersoq

Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Ukiut tallimat kingorna Pilersaarussiaq Kommunalbestyrelsimit akuersissutigineqassagualuarpat, nunaminertaq soqutigisaqaqatigiinnut ukiuni marlunni inniminnerneqarsinnaavoq, tamatumalu kingorna taakkunannga immikkoortoq pillugu sukumiisumik aalajangersagartalimmik kommunimut pilersaarummut tapiliussassaq suliarineqassaaq.

Kommunimut pilersaarummut tapiliussassap suliarineqarnera naammassippat, nunaminertamik atugassiisoqarsinnaavoq taavalu sanaartugassaq aallartinneqarluni.

#### **Aningaasaqarnermut Allatseqarfimmit oqaaseqaatit**

-

#### **Innuttaasunik peqataatitsineq/attaveqaqatigiinneq**

Kommunimut pilersaarummut tapiliussassatut siunnersuut sapaatip akunnerini 8-ni tamanut tusarniaassutigineqassaaq, tamannalu Nuummi Nuuk Ugeaviisikkut kiisalu kommunip tusarniaanermi nittartagaatigut allagarsiutigineqassaaq.

Kommunimut pilersaarummut tapiliussap suliarineqarneranut atatillugu siunnersuut minnerpaamik sapaatip akunnerini arfinilinni tusarniaassutigineqartussaavoq.

#### **Ingerlatsivinnit allaniit oqaaseqaatigineqartut**

-

#### **Ilanngussat**

1. Ilanngussaq 1 Tusarniaassummut akissuteqaatinik takkuttunik suliarinninneq
2. Ilanngussaq 2, Tusarniaassummut akissutaasut tamarmik
3. Ilanngussat ilanngullugit pilersaarummut qinnuteqaat
4. Inatsisartut inatsisaat nr. 34 ulloq 9. decembari 2015-imeersoq
5. Misissugassatut allattorsimaffik Sanarfinermut Avatangiisinullu Ingerlatsivimmit suliarineqartoq

## **Punkt 05E: Sanarfinermut Avatangiisinullu Ataatsimiititap Tasiilami angalanerani nalunaarusiaq**

### **Beslutning**

Immikkoortoq kinguartinneqarpoq

### **Bilag**

Bilag 1 Rejserapport\_29119 KAL.pdf

## **Sanarfinermut Avatangiisinullu Ataatsimiititap Tasiilami angalaneranit nalunaarusiaq**

Tasiilaq 26. juuni – 29. juuni.

Aalajangiiffigisassaq

J.nr: 01.02

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Sanarfinermut Avatangiisinullu Ataatsimiititap juunip naanerani 2019-imi Tasiilamut angalavoq, nunaqarfiit Sermiligaq aamma Kuummiut kiisalu sakkutuut mittarfeqarfiat Ikkatseq tikeraarneqarlutik. Ataatsimiititap angalaneranani siunertarineqarpoq, ataatsimiititap inissititerneqarnerata kingornatigut pilersaarutit ingerlanneqartut aamma naammassineqartussat misissuivigineqarnissaat, kiisalu suleqatigissanik ataatsimiititap suleriaqqinnissaa pillugu ataatsimeeqateqartarnissaq. Angalaneq pillugu nalunaarusiaq angalanermut pisussanik aamma angalanerup nalaani ataasiakkaanut pulaarnernik kiisalu angalanerup nalaani ataatsimiissimanernik paasisanik naggasiuteqartumik imaqarpoq.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- angalanermit nalunaarusiaq akuersissutigineqassasoq
- angalanermit nalunaarusiaq inaarutaasumik akuerineqartussanngorlugu  
Aningaasaqarnermut Inuusutissarsiornermullu Ataatsimiititamut ingerlateqqinneqassasoq

### **Suliassamik saqqummiussineq**

Ataatsimiititap juunip naanerani 2019-imi Tasiilamut, nunaqarfinnilu Sermiligaami Kuummiunilu kiisalu sakkutuut mittarfeqarfiat Ikkatseq aqqusaarlugit, angavoq. Ataatsimiititap angalaneranani siunertarineqarpoq, ataatsimiititap inissititerneqarnerata kingornatigut pilersaarutit ingerlanneqartut aamma naammassineqartussat misissuivigineqarnissaat, kiisalu suleqatigissanik ataatsimiititap suleriaqqinnissaa pillugu ataatsimeeqateqartarnissaq. Angalaneq pillugu nalunaarusiaq angalanermut pisussanik aamma angalanerup nalaani ataasiakkaanut pulaarnernik kiisalu angalanerup nalaani ataatsimiissimanernik paasisanik naggasiuteqartumik imaqarpoq.

Sanarfinermut Avatangiisinullu Ataatsimiititamit peqataapput Justus Hansen (siulittaasoq), Mala Høy Kúko (ilaasortaq) aamma Harald Bianco (ilaasortaq).

Sanarfinermut Avatangiisinullu Ingerlatsivimmiit peqataapput Hans Henrik Winther Johannsen (pisortaaneq), Rudi Birkedal (sanaartornermi pisortaq), Bilo Høegh Stigsen (pilersaarusiornermut pisortaq) aamma Ivan Falck Petersen (fagchefiugallartaq).

Allaffeqarfimmiit aamma Sille Wedege Nielsen (ataatsimiititamut allatsi) aamma Rosa Ringsted (oqalutsi) peqataapput.

Pulaakkat tassaapput:

- Qatserisarfik
- Inissialiat aamma qimmit inaat
- PolarOil
- Umiarsualivik avannarleq aamma amutsivik
- Eqqaavissuaq

- Meeqqat ukui akuleriissillugit ulluunerani paaqqinnittarfik Pingajeqqad kiisalu ilaqutariinnut sullissivik
- Arsaattarfik aamma multibane
- Kuummiuni innuttaasunik sullissivik
- Kuummiuni arsaattarfissap nunaminertassaa
- Sermiligaami umiatsialiviup saava
- Ikkatsimi sakkutuut mittarfeqarfiat

Suliffeqarfiit assigiinngitsut pulaarneqarnerisa aamma nunaminertanik alakkaanerup saniatigut ataatsimiititaq Tasiilami, Sermiligaami aamma Kuummiuni innuttaasunik ataatsimiititsisarpoq. Aammattaaq Tasiilami Najukkami Ataatsimiititaliaq aamma Sermiligaami Kuummiunilu Nunaqarfimmi aqutsisut ataatsimeeqatigineqarput,

*Aaqqiissutissatut siunnersuut – suliatigut naliliineq*  
Soqanngilaq

*Aningaasatigut sulisoqarnikkullu naliliinerit*  
Soqanngilaq

*Inatsitigut tunngavissaq allakkallu tunngaviusumik uppermarsaatitallit*  
Ataatsimiititap suleriaasia

*Ingerlariaqqinnissaq*  
Sanarfinermut Avatangiisinullu Ataatsimiititap angalanerminnit paasisatik ataatsimiititami suleriaqqinnerminni atussavaat.

**Aningaasaqarnermut Allatseqarfimmit oqaaseqaatit**  
Aningaasaqarnermut Allatseqarfimmit oqaaseqartitsisoqarsimangilaq.

## **Ilanngussat**

1. Sanarfinermut Avatangiisinullu Ataatsimiititaq Tasiilamut 2019-imi angalammat nalunaarusiaq

# **Punkt 05F: Kommunimut pilersaarummut tapiliussatut siunnersuut 4A9-1, Uppittalik**

## **Beslutning**

Immikkoortoq kinguartinneqarpoq

## **Bilag**

Kommunimut pilersaarummut tapiliussatut siunnersuut 4A9-1 Uppittalik Nuuk.pdf

## **Kommunimut pilersaarummut tapiliussatut siunnersuut 4A9-1, Uppittalik,**

Siunnersuummit atorunnaarsitsineq

Aalajangiiffigisassaq

J.nr.: 16.03.01.01-P16-9-18

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

### **Suliassamik eqikkaaneq**

Immikkoortut suliniutinut atugassaqqissut pillugit qinnuteqaatit piumaneqarneruleriartornerisa kinguneranik Sanarfinermut Avatangiisinullu Ingerlatsiviup innersussutigaa kommunimut pilersaarummut tapiliussamut siunnersuut 4A9-1 Uppittalik, Nuuk atorunnaarsinneqassasoq. Immikkoortup ilaa A-inissialiorfissatut ingerlatiinnarneqassaaq sinneralu inissianik 200-inik aammali pilersaarusanik qinnuteqaataasinnaasunik nalilersuisoqassaaq aalajangersakkat atuuttut nalinginnaasut naapertorlugit.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussatut siunnersuut 4A-9 Uppittalik Sanarfinermut Avatangiisinullu Ataatsimiititamit atorunnaarsinneqassasoq
- siunnersuutip inaarutaasumik atorunnaarsinneqarnissaanut Aningaasaqarnermut Inuussutissarsiornermullu Ataatsimiititamut ingerlateqqinneqassasoq
- aningaasaqarnermut Inuussutissarsiornermullu Ataatsimiititap suliaq ilisimatitsissutitut Kommunalbestyrelsimut ingerlateqqissagaa

### **Suliassamik saqqummiussineq**

ASanarfinermut Avatangiisinullu Ingerlatsiviup soqutigisaqatigiinnik immikkoortortat piumaneqarneruleriartornerat malugaa, Nuummi illoqarfiup ineriartortinnissaanut atatillugu pilersaarusionermut inatsit nutaq, Inatsisartut inatsisaat nr 34 decemberi 9, 2015-imeersoq naapertorlugu. Ilanngussaq 2 takuuk.

Tamanna tunuliaqutaralugu ingerlatsiviup siunnersuutigaa kommunimut pilersaarummut tapiliussaq 4A9-1 Uppittalik atorunnaarsinneqassasoq. Siunnersuut 13. marsimiit - 8. maajip 2019-ip tungaanut tamanut tusarniutigineqarpoq, tusarniummulli akissutininik suli tiguisoqanngilaq.

Kommune nammineq sanaartorfissagissaaneq 4A6 Pinguaq aallarereerpaa kingornalu sanaartorfissagissaaneq 4A8 Ningitsivik aallartinneqassaaq. Tassa imaappoq kommune kommunimi sanaartorfissagissaanissat annertuut pilersaarutaapput kiisalu ukiuni marlussunni tulliuttuni nunaminertanik atorneqanngitsunik ataavartumik nalunaaruteqartarneq.

Nuummi inissianik amerlanernik pilersitsinissamut atatillugu suliffeqarfinnit namminersortunit 4A9-1 Uppittalik ineriartortinneqarnissaa suliniutaassaaq iluatinnartoq.

Pilersaarusionermut Inatsisip nutaap allanngortinnerata ingerlanera ima nassuiarneqarsinnaavoq:

1. Aningaasaliisussap/Suliffeqarfiup pilersaarummut qinnuteqaatini Kommunalbestyrelsimut nassitutissavaa, piumasaqaataavorli aningaasaliisussap pilersaarusernermi tunngavigineqartoq nammineq suliarissagaa aammalu kingorna avatangiisinut tunngatillugu naliliinerit, assersuutigalugu VVM-it nammineq isumagalugit.
2. Kommunalbestyrelsip pilersaarut akuerissavaa, ikinnerpaamillu sapaatit akunnerini arfinilinni tusarniaassutigissallugu, tassunga ilanngunneqassapput Kommunalbestyrelsip qinnuteqarnissamut piumasaqaatai, taakkulu piviusorsioortuussapput kinaassuserioortuunatillu.
3. Tusarniaanermi innuttaasut tusarniaassummut akissuteqarsinnaapput, akerliliissuteqarsinnaapput imaluunniit allanik pilersaarutaasinnaasunik tunniussaqaarsinnaallutik.
4. Qinnuteqaatit tunuliaqutigalugit Kommunalbestyrelse piviusorsioortumik kinaassuserioortuunngitsumillu pilersaarummik pitsaanerpaamik toqqaassaaq.
5. Tamatuma kingorna aningaasaliisussaq ukiuni marlunni sivisussuseqarsinnaasumik nunaminertamik inniminniinissaminik periarfissaqalissaaq kommunimullu pilersaarummut tapiliussap suliarineqarnera aallartissaaq.
6. Pilersaarutip annertussusaa tunngavigalugu avatangiisinut naliliisoqassappat, assersuutigalugu VVM-imik naliliisoqartariaqarpat, pilersaarummik piginnittup nammineerluni suliarissavaa aningaasaliiffigalugulu.

Pilersaarusernermut inatsisip allanngornerata kingorna, nutaaq naapertorlugu, Pilersaarutit kommunimut pilersaarummut imaluunniit politikkikkut takorluukkanut naapertuutinnippata Kommunalbestyrelsimut qaqugukkulluunniit unitsinneqarsinnaasut eqqaamaneqassaaq. Kalaallit Nunaanni inuussutissarsiorderup Naalakkersuisunit Kommuniniillu siuarsarneqarusunnera Pilersaarusernermut Inatsimmik allannginnermi siunertarineqarpoq, taamaaliornikkut aningaasaliisussanut aningaasaliinissaq ajornannginnerulissamat orniginarnerullunilu.

2016-imili pilersaarutiniq qinnuteqaatit makku akuersissutigineqarput:  
 3A6 Akornanni inissiat 90-t, 2C3 Inissiat Umiarsualiviullu saava, 4D12 Viska-Ridecenter, 1A20 Qatanngutigiiinguit Pingasut aamma 2B2 Qeqertat.

#### *Aaqqiissutissatut siunnersuut – suliatigut naliliineq*

Ullumikkut immikkoortoq sanaartorfigineqanngitsutut isikkoqarmat, Sanarfinermut Avatangiisinullu Ingerlatsiviup nalilerpaa immikkoortoq soqutigisaqatigiinnik erseqqissunik kissaatilinnik pilersaarusernermi qinnutigineqarsinnaanissaa tulluurtuusoq.

Siunissami pilersaarutiniq qinnuteqaatit pitsaasunik imaqaassapput kommunip nammineq ileqqoq malillugu periusissiaq atorlugu neqeroorsinnaanngippat. Ileqqoq malillugu periusissiaq atoraanni kommunimi pilersaarusernermi ilassutaanik suliarinnittoqartussaavoq, kommunimi sanaartorfissagissaaneq aamma nunaminertat atorneqanngitsut tulluurtut kommunip nalunaarutigisartussaavai.

#### *Aningaasatigut sulisoqarnikkullu naliliinerit*

Soqutiginnittumit pilersaarummut aningaasartuutit tamarmik akilerneqartussaammata Kommuneqarfik Sermersuumut aningaasartuutaassanngilaq.

*Inatsisitigut tunngavissaq allakkallu tunngaviusumik uppernarsaatitalit*

Pilersaarusiorneq aamma nunaminertanik atuineq pillugit Inatsisartut inatsisaat nr. 17 ulloq 17. november 2010-meersoq aamma

Inatsisartut inatsisaat nr. 34, 9. december 2015-imeersoq

Kommunemi pilersaarut digitaliusoq [www.sermersooq2028.gl](http://www.sermersooq2028.gl)

*Ingerlariaqqinnissaq*

Siunissami pilersaarutininik qinnuteqartoqassatillugu Sanarfinermut Avatangiisinullu Ingerlatsivik immikkoortup ilaa 4A9 tulluurtut atorsinnaasutullu pilersaarutininik qinnuteqartunut innersuutissallugu periarfissaqalissaaq.

**Aningasaqarnermut Allatseqarfimmit oqaaseqaatit**

-

**Innuttaasunik peqataatitsineq/attaveqaqatigiinneq**

Kommunimut pilersaarummumut tapiliusaaq 4A9-1 Uppitalik Nuummi, siunnersuut atorunnaartinneqassagaluarpat kommunip nittartagaani tamanna nalunaarutigineqarumaarpoq.

**Ingerlatsivinnit allaniit oqaaseqaatigineqartut**

-

**Ilanngussat**

1. KOMMUNIMUT PILERSAARUMMUT TAPILIUSSAQ 4A9-1, Uppitalik, Nuuk

**Punkt 05G: Tasiilami illut inissiallu kuuffii aqqusinernut  
kuuginnartarnerannut tunngatillugu ataatsimiitaliami  
oqaluuserisassanngortitsineq**

**Beslutning**

Immikkoortoq kinguartinneqarpoq

# **Tasiilami illut inissiallu kuuffii aqqusinernut kuuginnartarnerannut tunngatillugu ataatsimiititaliami oqaluuserisassanngortitsineq**

Kommunalbestyrelsimut ilaasortap Laura Táunâjik (S) siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - Kommunaldirektøri Lars Møller-Sørensen / LMS

## **Suliassamik eqikkaaneq**

Kommunalbestyrelsimut ilaasortaq Laura Táunâjik (S) maajip 28-anni 2019 Sanarfinermut Avatangiisinullu Ataatsimiititamut aalajangiiffigisassaatur siunnersuummik nassiussivoq. Laura Táunâjik (S), Sanarfinermut Avatangiisinullu Ataatsimiititaq illoqarfimmut pilersaarut aqputigalugu iliuusissamik pilersaarusiussasoq Tasiilami kuuffiit aqqusinernut kuuginnartut pillugit aaqqiissummik iliuuseqartoqarnissaanik kissaateqarpoq.

## **Inassuteqaat**

Suliffeqarfimmut Kiffartuussiviup Sanarfinermut Avatangiisinullu Ataatsimiititamut inassuteqaatigaa:

- 2019-imi aningaasaliissutinik immikkoortitsisoqarsimannginnera innersuussutigalugu siunnersuut itigartinneqassasoq aamma
- siunnersuuteqartup 2020-mi missingersuutinut siunnersuutitut nassitissagaa aamma siunnersuummi illoqarfiit nunaqarfiillu tamakkerlugit ilanngunneqassasut

## **Suliassamik saqqummiussineq**

Kommunalbestyrelsimut ilaasortaq Laura Táunâjik (S) maajip 28-anni 2019 Sanarfinermut Avatangiisinullu Ataatsimiititamut aalajangiiffigisassaatur siunnersuummik nassiussivoq. Laura Táunâjik (S) kissaateqarpoq, Sanarfinermut Avatangiisinullu Ataatsimiititaq illoqarfimmut pilersaarut aqputigalugu iliuusissamik pilersaarusiussasoq Tasiilami kuuffiit aqqusinernut kuuginnartut pillugit aaqqiissummik iliuuseqartoqarnissaata periarfissaqartinnissaa eqqartorneqassasoq kissaatigaa.

Siunnersuuteqarnermut tunngavilersuut:

(Nutserneqarnera Kommuneqarfik Sermersooq)

*"Tasiilaaq illoqarfiuvoq avatangiimisimigut kusanarluinnartoq alutornartorlu. Taamaattorli illut inissiallu kuuffiisa ilai aqputaannarmut kuuttuupput, tamanna takussunaannarani peqqinnanngilluinnartuuvoq. Taamaattumik illoqarfimmut pilersaarummi tamakku aaqqiivigineqarnissaannik iliuusissamik pilersaarummi uani ujartorneqarpoq.*

*Aqqusernit kuuffiusut ilaanni meeqqat pinnguarfeqartarput, tamanna peqqissutsimut pingaartumik meeqqamut ulorianarsinnaalluinnarpoq. Taamaattumik matumani kuuffiit aqputinut kuuginnartut pillugit aaqqiissummik iliuuseqartoqarnissaa sakkortuumik iluarsivigineqarnissaaat kaammattuutiginaraluarput."*

Siunertaa:

*"Tasiilami illut inissiallu kuuffii aqqusinernut kuuginnartut pillugit aaqqiissutissamik ujaarlerneq uani qitiuvoq. Kuuffiit aqqusinernut kuuginnarneri ilaatigut aqqusernit sequmikkiartorneranut peqquteqarput. Ilutigisaanilu kuuffiit aqqusinernut kuuginnarneri peqqutigalugit peqqissutsimut innarliisinnaavoq. Meeqqat aqqusinerni pingaartumik aasakkut pinnguarneq nuannarisaraat takornartaanngilaq. Pissutsilli taamaannerisa meeqqap peqqissusaa illersorsinnaanngilaa. Tamakku peqqutigalugit avaqqunneqarsinnaanngilaq iliuusissamik nassaarnissaaq. Peqqutit tamakku tunngavigalugit ataatsimiititaliami oqaluuserisassanngortitsineq pisariaqalersimavoq."*

*Inatsisitigut tunngavissaaq allakkallu tunngaviusumik uppersaatitallit*

Kommunit aqunneqarnerat pilugu Inatsisartut inatsisaat nr 22, 18 november 2010-meersoq. § 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.

**Suliffeqarfimmut Kiffartuussivimmit innersuussutip tunuliaqutaa:**

Ingerlatsiviup tamatuma ajornartorsiutaanera eqqumaffigivaa aamma peqqissutsimut kinguneqartitsisinaanera ilanngullugu. Taamaattorli 2019-imi missingersuutini tassunga tunngasunik illuartitsisoqarsimanngimmat 2019-imi piviusunngortinneqarsinnaanngilaq, taamaalillunilu siunnersuutip itigartinneqarnissaa innersuussutigineqarluni. Siunertaa ingerlatsiviup tapersersortaa, taamaattumillu innersuussutigalugu, siunnersuut 2020-mut missingersuusionermut saqqummiunneqassasoq, taamaalilluni kommunimi illoqarfinni nunaqarfinnilu tamani pisariaqartitsinerup annertussusaanik misissuinissamik aallartitsisoqarsinnaaniassammat.

*Ingerlariaqqinnissaq*

-

**Siusinnerusukkut aalajangerneq**

-

**Ilanngussat**

-

## **Punkt 6: Taasariaqartut allat**

### **Beslutning**

Laura Taunâjik (S) erninissaminut atatillugu sulinngiffeqangajalernini ilisimatitsissutigaa.

Laura Taunâjik (S) Tasiilami allaffeqarfimmi ineqarnermut aqutsineq pillugu ernumassuteqarsimanini sumut killinnersoq paasiniarpaa.

Laura Taunâjik (S) qatserisartoqarfimmi biilit atorneqarneranni malittarisassat pillugit apeqquteqarsimavoq.

Laura Taunâjik (S) Tunumi illoqarfinni nunaqarfinnilu kommunip sulisoqarfiini aserfallatsaaliinermut kinguaattoorutit pillugit ilisimatitsissuteqarpoq.

Mala Høy-Kúko (S) ilisimatitsissuteqarpoq kommunimi aalisartut piniartullu illuaraasa aserfallatsaalineqarnissaannik pisariaqartitsisoqartoq.

Hans Henrik Winther Johannsen (pisortaq- SAI) nalunaarpoq AirGreenlandip timmisartuussinissamik pilersaarutai pissutaallutik ataatsimiititap Paamiuliarnissaralua taamaatiinnarneqartariaqartoq. Ataatsimiititami allatsi piffissanik nutaanik siunnersuuteqarumarpoq.

## **Punkt 7: Suliat matoqqasut**

### **Beslutning**

Immikkoortoq kinguartinneqarpoq

## **Punkt 07A: Lukket**

## **Punkt 07B: Lukket**

## **Punkt 8: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 11.30